



BELANGSUKAWA BUAT NEGARAWAN TERCINTA

■ **Dedikasi buat Allahyarham Tun Abdullah Ahmad Badawi**

Belangsukawa,
haruman mekar menyelubungi
bumi
mewangi setaman dengan budi
pekerti
dalam tenang engkau berdiri
Islam Hadhari menjadi paksi
Malaysia aman makmur dan
harmoni
Negarawan luhur warisan sejati.

Berbisik angin sepoi di pagi hari
namamu disanjung di segenap
negeri
suaramu yang lunak sentiasa
dihormati
tidak lantang tetapi berbekas di
hati
dalam meniti amanah di titian ibu
pertiwi.

Engkaulah hujan yang turun dalam
diam
tanpa guruh dan langit yang
muram
mencurah kasih pada rakyat dan
seisi alam.

Pada baktimu yang berbicara

gagah
mengukir kalimat indah membina
akidah
menjadi pegangan rakyat tanpa
gundah.

Kedamaian yang engkau julang
kejayaan yang engkau hidang
lahir dari fikiran yang tenang
cemerlang, gemilang dan terbilang.

Kini engkau pergi dalam syahdu
rimbunan doa
belangsukawa gugur di tanah
pusaka
harum namamu kekal terhidu
merata
terpahat kukuh dalam sejarah
negara.

Selamat bersemadi
negarawan tercinta
jasa dan baktimu takkan dilupa
dari kami, anak watanmu yang
setia
Al-Fatihah, buatmu selamanya.

MOHD. KHATIM OTHMAN
PPJ Johor Bahru.